

РАЙОННУ ЯШАВУ

БУДНИ РАЙОНА



◆ Къарабудагъгент районну жумалыкъ жамият-сиясат газети. ◆ Газета выходит на кумыкском и русском языках.
◆ Карабудахкентская районная еженедельная общественно-политическая газета.

◆ № 45 (6533) Жумагюн, 6 декабр (тунлу) 2019 йыл ◆ Пятница, 6 декабря 2019 года ◆ Газета издаётся с ноября 1951 года

Районну башчысы къутлай

3 декабр – Юристни гюню



Гьюрметли юристлер ва юрист тармакны къул-лукъчулары! Мен сизин касбу байрамыгъыз – Юристни гюню булан гьакъ юрекден къутлайман. Юрист ишни юрютмек айрыча къыйын, неге тьогюл сизин касбугъуз уллу жавапчылыкны талап эте. Касбу борчугъузну тюз кютме герекни гьакъында унутмагъыз! Професионал ишигизде оьрлюклеге этишмеге, сизин къыйын ва халкъ учун этилеген ишигизде сизге аманлыкъ, уьстюнлюклер ва янги оьрлюклер ёрайман.

3 декабр – Сакъатланы Халкъара гюню

Аялу бизин имканлыклардан дазуландырылгъан адамларыбыз, сизин Сакъатланы Халкъара гюню булан гьакъ юрекден къутлайман. Сизин бугюнго статусугъузгъа да къарамайлы, биз сизин гьар заман толу къыйматлы, герти ва актив адамлар гьисап этебиз. Сизге къатты савлукъ, оьзюгюзге битмейген инамлыкъ, къатты ругъ, къоччакълыкъ, насип ва уьстюнлюклер ёрайман. Сиз оьзюгюзге инанып, талаплы, агъамиятлы ва бек тарыкълы адамлар болгъанны сюемен.

Магьмут Амралиев, “Къарабудагъгент район” муниципал районну башчысы

Район администрацияда

Планланы яшавгъа чыгъарма тарыкъ

Шихав КЪАЙИРБЕКОВ

3-нчю декабрде район администрацияны жыйынлар оьтгерилеген залында жуманы гьар талатгюнлеринде болагъан гезикли генгеш оьтгерилди. Генгешни районну башчысы Магьмут Амралиев ачды ва юрютдю. Онда районну башчысыны орунбасарлары, бёлуклерини ёлбашчылары, юртланы башчылары ортакъчылыкын болдурдулар.

Районну башчысы М.Амралиев жыйынны гюнлюк низамын малим этди. Шо гюнго чарада районда 2020-нчы йылны тьожюму учун гюзлюклер чачывну, 2019-нчу йылны гюзюнде емиш, юзюм тереклер, тьоклер чачывну планларыны яшавгъа чыгъыву арагъа салынып ойлашылды.

Бу масъалагъа байлаву районну юрт хозяйство управлениесини ёлбашчысы Шагъабутдин Мустапаев гьисап берди.

Ол оьзюню сёйлевюн районда 2020-нчы йылны тьожюму учун бу йыл гюзде районну сабанчылары 10900 гектар майдангъа гюзлюклер чачма тарыгъын ачыкъ этди. Дагъы да ачыкълашдырып айтгъанда: 9100 гектаргъа будай, 1450 гектаргъа гюзлюк арпа, 350 гектаргъа сусул будай ва тритикаль чачма тарыкъбыз.

Гюз чачывгъа мукъаятлы гъазирлик гёре туруп, районну механизаторлары бары да агротехника чараланы заманында сан янлы оьтгерме гьаракат этип ишледилер. Демек, топуракъланы сюрюв, оланы чачывгъа гъазирлев, чачыв ишлер агрономия илму талап этеген даражада оьтгерилди.

Топуракъланы сюрювде, чачывгъа гъазирлевде тайышысуз кюйде 24 трактор къуршалып ишлер юрлюдю. Гьар гюн орта гьисапда ерлерде гюнде 150 гектар ер сюрюле эди.

Декабр айны 3-юне районда гюзлюклер чачмакъ учун сюрюлген 11317 гектар топурагъыбыз бар. Шо планда токъташдырылгъанындан 417 гектаргъа артыкъ.

Буссагъатгъы вакътиде районда гюзлюклер чачмакъ учун топуракълар сюрюв ва чачыв ишлер тамамлангъан. Гюз чачывгъа районну хозяйстволарында октябр айны башында гиришген эди. Бугюнге ерлерде 10504 гектар майданлагъа гюзлюклер чачылгъан. Шо - республика оьлчевде экинчи гъасил. Би-



ринчи гъасил – Хасавюрт район.

Гюз чачывну болжаллары гетген буса да, чакъ ачылса, гюз чачывну узатма къасты бар хозяйстволарыбыз бар. Оьзге йылланы сынаву исбатлайгъан кюйде, декабр айны орталарына ерли гюз чачыв ишлени узатагъан йыллар болду.

Гюз чачывгъа районда гьар гюн 30 дегерчекли тракторлар къуршалып, гюнде 250 гектар топуракъгъа ашлыкъ чачыла эди.

Гюз чачывгъа Гъели, Губден, Къурбуки, Къарабудагъгент юртланы механизаторлары сиптечилик гёрсетип, чачывну планларын артыкълыгы булан толтургъанлар.

Ш.Мустапаев оьзюню сёйлевюнде гюз чачывда «Манасгент ГУП-ну ижарачыларыны гьаракатын да айрыча эсерди.

Къакъашура, Уллубийавул юрт муниципал къурулувлар гюз чачывну планын 80 процентге толтургъан.

Чарада гюз чачывну планын йырагъан Дёргели, Паравул, Аданакъ юрт муниципал къурулувлар къатты кюйде танкъыт этилди.

Районну юрт хозяйство тармагыны башчысы район урлукълар булан 100 процентге таъмин экенин де малим этди.

Ш.Мустапаев сёйлевюн узата туруп, районда бавланы майданларын

генгешдире туруп этилип турагъан ишлени уьстюнде токътады.

Ол бу йыл 85 гектаргъа янги бавлар салма тарыгъын ачыкълашдырды. Аслу гьалда, интенсив бавлар этме гёз алгъа тутулгъан эди. Бу йылгъа план юрт хозяйство продукталар болдурувчулардан, КФХ-дан гелген заявкалагъа гёре салынгъан. Неге тьогюл, гьукуматны янындан кемеклер янгыз налог къурумда регистрациясы бар хозяйстволаргъа этиле. Алдагы йылларда районгъа план 45 гектар эди. Гетген йылны ахырында республиканы юрт хозяйство ва ашамлыкъ министрлиги билдиреген кюйде, районгъа кемеклер тереклер орнатывну планыны толувуну оьбюмуна гёре этилегеин ачыкълашды.

Бу йылны язбашында районда план булангъы 35 гектарны ерине 36,5 гектаргъа яш тереклер орнатылды.

Тереклер орнатывну йыллыкъ планын яшавгъа чыгъармакъ учун гюзде районда 48,5 гектар майдангъа тереклер орнатма тарыкъбыз. Бугюнге районда 21,5 гектаргъа терек орнатылгъан. Шону 11,5 гектары – мердешли, 10 гектары - интенсивный бавлар .

Гюзде бавлар орнатмакъ учун районда плантаж гётерилген 48 гектар топуракъ бар.

Ш.Мустапаев оьзюню сёйлевюн узата туруп, районда гюзде тереклер орнатывну планыны йырылывуна Краснодар крайны питомниклери орнатыв материаллар булан, районну КФХ-ны таъмин этме бойнуна алгъан борчун яшавгъа чыгъармайгъанындан тувулунгъанын эсерди. Масала, «Къурбуки» КФХ-ны терек орнатмакъ учун онгарылгъан гъазир 15 гектар топурагъы бар, тек оьрде эсерилген себепден ишлер йырыла.

➤ Районда

Дагъы да оърлюклер ёрайбыз!

Н. ИЗАМУТДИНОВА

Декабр айны 3-нде Россия Федерацияны Генеральный прокуратурасында Юристи гюнине багышланган байрам оьтгерилген. Чарада Россияны бары да юрист Бирлешивлерини вакиллери ор-



такчылык этген.

Байрам чараны барышында РФ-ни Генеральный прокуроруну орунбасары Леонид Коржинек Генеральный прокуратураны центральный аппаратурасыны яхшы иш герсетген кьуллукчуларына ведомстволук савгьатлар тапшурду. Шоланы арасында «За верность закону» деген уьюнчю даражалы белги булан бизин юртлибуз, юстицияны 2-нчи класлы пачалык ойчусу, юрист илмуланы доктору, профессор, ДР-ни ва РФ-ни ат кьазанган юристи Ша-

пиева Ольга Гьасановна да болган. Ольга Гьасановна Шапиева 1957-нчи йыл ДАССР-ни Ленин районуну Кьарабудагьгент юртунда тувган. 1974-нчу йыл ол Кьарабудагьгент 1 номерли орта школаны алтын медальга битдирген, 1979-нчу йыл ДГУ-ну юрист факультетин инг яхшы кыйматлар булан тамамлаган.

1985-нчи йыл Ленинград пачалык университетде кандидат диссертацияны яклаган ва ДГУ-ну юрист факультетинде «Теория и история государства и права» факультетинде дарсберивчу болуп иш башлаган.

Сонг Ольга Гьасановна Шапиева ДР-ни Конституция Судунда Судья болуп, ДР-ни Юстициясыны министри, ДР-ни Федерал регистрация кьуллукчуны управленийесини ёлбашчысы, РФ-ни Генеральный прокуратурасыны Федерал закон чыгарывчулук ишни кютювине тергев этеген Баш управленийени старший прокурору болуп ишлеген.

Гьали Ольга Гьасановна РФ-ни Генеральный прокуратурасыны федерал закон чыгарывчулук ишни кютювге тергев этеген Баш управленийесинде ватандашлары ихтиярларын ва эркинлигин болдурувга тергевюн болдураган Управленийени ёлбашчысыны орунбасары болуп ишлей.

Ольга Гьасановнаны шо оър савгьаты булан кьутлай туруп, оьгар кьатты савлук, касбусунда дагъы да уллу оърлюкlege етишмекни ёрайбыз!

Дёргели юрда

Алдагы гюн районну башчысы Магьмут Амиралиев иш сапар булан Дёргели юрда болган. Демек, ол гезикли керен «Комфортная городская среда» деген программага гере этилеген ишлеге тергевюн болдурган.

Эсгерилген программага гере Дёргели юртну ватандашлары учун юрда 10 койка ери булан азархана, Дёргели бир номерли школаны алдында сквер, Садовая орамда тарыкь-гергеги булангы спорт майданча ишлене.

Районну башчысы Магьмут Амиралиев этилеген ишлени барышы булан ювукьдан таныш болган сонг, шолай программага ва проектге гере ватандашлары яшаву учун онгайлы шартлар тувулажыгын билдирди.

Кьарабудагьгент районну башчы-

сы М. Амиралиев кьурумну подрядчуларына ва жаваплы кьуллукчуларына герсетилген болжалны



ичинде ишлени битдирип, объектлени эксплуатация этмекни таклиф этди.

Планланы яшавга чыгарма тарыкь

1←

Сейлевчу районну фермерлери топуракь гесеклени узакь болжалга ижарага кагызларын онгарывда да четимликлеге ёлугагьанын ачыкь этди. Чакь ачылгьандокь, районда бала тереклер орнатыв ишлер узатылажакь.

Ш.Мустапаев оьзюню сейлевюн узата туруп 2019-нчу йылда районда борла орнатывну барышын залдагылага малим этди. Ону сейлевюнде ачыкь болгьаны ймик, районда бу йыл 110 гектарга борла орнатма тарыкь, язбашда 60, гюзде 50 гектарга.

Шо муратга гере районда плантаж гетерилген 155 гектар топуракь бар. Язбашда 68,8 гектарга борла ор-

натылды. Йыллыкь планны яшавга чыгармакь учун позде 41,2 гектарга борла орнатма тарыкьбыз. Гьалиге 26,5 гектарга борла орнатылган.

Гьава шартлар имканлыкь берсе, борла орнатыв ишлер давам этилежекь-деп, Ш.Мустапаев сезюн тамамлады.

Районну башчысы М.Амиралиев чарада гьасил чыгарып сейлей туруп, районда гюз чачывну, емиш тереклер, борла орнатывну планлары яшавга чыкьма герегин бек буварды. Гюз чачывда планларын яшавга чыгармаган, бирдокьда бек осал ишлеген юртланы башчыларыны атларын тутуп тапшурувлар берди.

Районну башчысыны гьаракаты

Шухав КЪАЙИРБЕКОВ

Барыбызга да белгили кюйде, бу йылны июль айыны 31-нде «Кьарабудагьгент район» муниципал кьурулувуну тавтюп зонасында гючлю ел булан, буз, янгур явуп, зарал болгьаны эсибизде.

Хас кьуллукь ва районда кьурулган комиссия кьыставуллу таби

гелген. Ери гелгенде юртну ичиндеги социал объектлени эсгерме тарыкь: Демек, яшлар бавуну, школаны, клубну кьалкьыларыны сыныгы алышынды. Социал объектлени кьалкьыларыны шиферин алышдырма 13 миллион манат гетген. Юртну халкьы буса 28 миллион манатны кьадарына шифер алажакьлар.

Озокьда, этилеген кемеклер



гьалдан тувулунган заралны алдын алмакь учун алгьасавлу чара гердю. Дёргели, Кьакьашура юртлар ва олардагы социал объектлер кьыставуллу гьалдан бек заралланган эди.

Шо вакьти районну башчысы Магьмут Амиралиев чалтыкьда, таби гьалдан зарал герген ватандашлагьа кемек этсин деп республиканы ёлбашчысы булан ёлукьган.

Республикадан кемек геле деп кьарап турмай, районну башчысы М.Амиралиев ва ДР-ни Халкь Жыйыныны депутаты Магьмаматсолтан Магьмаматов адамлагьа 2 минг шифер алма кемек этгенлер.

Алдагы гюн, демек, декабр айны 4-нде, Дёргели юртга уллу юк ташыйган машин булан халкьга бермек учун шиферни бир партиясы

районну башчысы М.Амиралиевни, ДР-ни Халкь Жыйыныны депутаты М.Магьмаматовну арымай-талмай гьар гюн этген гьаракаты. Олар республиканы гьакимбашларындан таби гьалдан зарал герген адамлагьа кемеклер алма болгьаны – уллу уьстюнлюк. Юртну халкьы тувулунган масьалаланы дестине чечме гьаракат этген районну башчысына разилигин билдирдилер.

Оьз гезигинде районну башчысы М.Амиралиев республиканы башчысы Владимир Васильевге зарал герген ватандашлагьа этген материал кемеге саялы юртлуланы атындан баракала билдире.

Ачыкьлашдырабыз, халкьга этилген кемеклер ДР-ни Гьукуматыны кьорукь (резерв) фондундан герсетилген.

Райцентр безене ва тюрлене

Районну юртларында республикада иш гереген программалага кьошулуп этилип тураган, жележекде де шолай программалага кьошулуп гьар тюрлю тармакьларда зор ишлер этме, юртланы гезеллигин дагыдан дагы яхшылашдырма кьаст бар.

Буссагьатгы вакьтиде Кьарабудагьгент юрда «Комфортная городская среда», «Мени Дагыстаным – мени ёлларым», «Мени Дагыстаным – таза сувлар» деген программалага гере райцентрда этилген, этилип тураган ишлени райцентрны гьар ватандашы, гелген кьонакьлар герюп туралар. Райцентрда этилип тураган ишлерден юртлулар, гелген кьонакьлар кьуванмайлы болмай.

Ерлерде, шону ичинде райцентрда юрюлюп тураган ишлени сан яны, оланы токташдырылган болжалларда ише берив районну ёлбашчыларыны тергевюню тюрюнде тура.

Муна, декабр айны 2-нде хас комиссия башында районну башчысыны биринчи орунбасары М.Нухов, район Жыйыныны депутатларыны председатели Б.Сахатов, район Жыйыныны председателини орунбасары К.Мурзаев, районну тамазаларыны Советини председатели

А.Мамагишиев, районну баш архитектору А.Гьажиев, районну КС ва УЖКХ-ны ёлбашчысыны орунбасары М.Абусайитов, районну топуракь-мал-матагь аралыкьлагьа кьарайган бёлюгюню кьуллукьчулары, депутат корпусну вакиллери, «Комфортная городская среда» деген программага гере райцентрда этилип тураган ишлени барышына тергев этип чыкьган.

Шо программа булан Кьарабудагьгентде 9 ерде (объектде) безендирив, гезеллешдирив ишлер этилип тура. Шоланы 6-сы толу кюйде тамамланган.

3 объектде ишлер кьызгьын кюйде юрюлюп тура. Олар: «Гь.Гьамзатовну» атындагы бавда ял алагьан ер (сквер), А.Абакаровну атындагы орамда адамлар юрюйген ёл ва «Бекенездеги» сквер.

Гь.Гьамзатовну атындагы бавда ва А.Абусаламовну атындагы орамда этилеген ишлер тамамланма ювукь болган. Бу ишлени кютеген кьурумну вакиллерины сезлерине гере, эки де объектде ишлер бу жуманы ичинде тамамланажакь.

«Бекенез» скверде этилме герекли ишлени 30 проценти яшавга чыкьган.

➤ Ёлугъув

Коррупциягъа къаршы...

Н. ИЗАМУТДИНОВА

Алдагъы гюнлерде Къарабудагъ-гент районну прокуратурасыны къуллукъчуларыны сиптечилиги булан Къарабудагъ-гент гиямназияда муаллимлер ва охувчулар булан ёлугъув оьтгерилди. Шо ёлугъувда Коррупциягъа къаршы ябушувну Халкъара

ортакъчылыкъ этди. Олар муаллимлеге ва охувчулагъа коррупцияны, огъар гёре жавапчылыкъны, чиновниклер урушбат талап этсе, не этмеге гереги гъакъында хабарлады. Оьзлени сёйлевлеринде олар адамланы арасында демократияны, тюзлюкню ва низамны, адамланы ихтиярларын



гюнине багъышланып эсгерилген темагъа гёре лакъырлашывлар оьтгерилди. Чарада районну прокуроруну баш кёмекчиси Муртаз Гъажиев, районну башчысыны кёмекчиси Жалалутдин Жамалутдинов, яшёрюмленни Парламентини ёлбашчысы Абукар Къаранаев, район билим берив управлениени ёлбашчысыны орунбасары Магъамматсайит Гъажимагъаматов, районну ОМВД-сини ПДН-ни старший инспектору Къазимагъаммат Канзитдинов, МФЦ-ни ёлбашчысы Жамал Гъабитов, УЖКХ-ны ёлбашчысыны орунбасары Шамил Алхасов

коррупция бек бузагъанын, жинаятчылыкъны, террорчулукъну артырагъанын, олай да тюрлю халкъара къоркъунчулукъ гъаллагъа тарытагъанын айтды. Тек гъалиге коррупциядан къутулма бажарылмай турагъаны, бары да пачалыкъларда коррупция яшав сюрёгени гъакъда аян этди. Шо гъар къаршы ябушмакъ гъар ватандашны борчу экенни эсгерди.

Чараны барышында охувчулар прокуратураны къуллукъчуларына ва башгъаларына кёп санавда сорава берип, олагъа жаваплар алды.

➤ Белгисиз солдатны гюнунде

Бир заманда да унутулмажакъ!

Алдагъы гюн, демек, декабр айны 3-нде, Къарабудагъ-гент район адатлангъан маданият Центрында Белгисиз солдатны гюнине багъышланып «Сени атын белгисиз, сени Къочкакълыгъын оьлмежек!» деген баш булан чара оьтгерилди.

Чарада Къарабудагъ-гент гимназияны ва 3 номерли орта школаны

май айны 8-нде шо ерде «Белгисиз солдатны къабурну» деген мемориал архитектура ансамбль ачылгъан... - деп хабарлай Къарабудагъ-гентни Баш китапханасыны къуллукъчулары.

Шо гюн белгисиз солдатны къабурну уьстунде Макътавлукъну Сёнмейген оту да ягъылгъан. Шо от язда да, къышда да, гондюз де, гече



охувчулары ортакъчылыкъ этди.

Къарабудагъ-гент 3 номерли орта школаны муаллими С.Багъриева охувчулагъа Белгисиз солдатны гюнине белгилевню, шо гюнню маънасы гъакъда охувчулагъа хабарлады.

- Белгисиз солдатны гюнунде - Россияны календарында янги белгиленген эсделик тарх. Декабр айны 3-нде биз дав майданларда оьлюп, атлары белгисиз къалгъанланы эсге алабыз. 1966-нчы йыл 3-нчу декабрде белгисиз солдатны сюеги къардаш къабурлардан чыгъарылып Москвада Кремлни тамына гёмюлген. 1967-нчи йыл

де сёнмей, халкъны эсинден Белгисиз солдатны тайма къоймай яллай. Уллу Ватан давда шо давну оту 5 млн адамны атын сама да белгили этмей ютгъан... Атлары белгили болмаса да, олар барысы да халкъланы эсинде даимликке къалгъан, наслуданаслугъа эсделик гысапда къалып юрюй деп хабарлай Къарабудагъ-гент 3 номерли школаны муаллими Н.Сайитова.

Чарада Къарабудагъ-гент гимназияны 4-нчу класыны охувчулары Белгисиз солдатгъа багъышлангъан шиъруланы гёнгунден охуду.

➤ Школада

Профилактика дарс

Алдагъы гюнлерде Къарабудагъ-гент 2 номерли орта школада оьсюп гелеген яшланы терроргъа къаршылыкъ билдирив ойланын тувдурмакъ, терактлар болса не этмеге герегин уьйретмек, гъар тюрлю белгисиз затлагъа ва адамлагъа тергевлю болмагъа уьйретмек

Оьзюню сёйлевюнде ол 2004-нчу йыл сентябр айны 1-нде Беслан шагъарда болгъан терактны натижасында болгъан тас этивлени гъакъында айрыча токътады. Шо гюнлерде, гечелерде аманатгъа «заложникге» алынгъан яшланы гъакъында хабарлады.



муратда «Всем миром против терроризма» деген профилактика дарс оьтгерилди.

5-нчи «а» класны ёлбашчысы Маржанат Умаева террорчулукъ къайдан баш алгъаны, ардагъы йылларда болгъан терактланы гъакъында охувчулагъа хабарлады.

Сонг ол яшлагъа жамият жыйылагъан ерлерде оьзлени нечик тутмагъа, не затлагъа, кимлеге тергевлю болмагъа гереги гъакъда айтды. Гъар не гъалда да инг башлап адам оьзюню къолгъа алып, тюз ойлашып билмеге ва къоркъмай эсин сакъламагъа герегин эсгерди.

Акцияда ортакъчылыкъ этди

Ноябр айны 28-нде Къарабудагъ-гент 2 номерли орта школаны 7-нчи класларыны охувчулары ёл юрюше болгъан хатабалагъаны натижасында зараллангъанланы эсделигини

да яшлар зараллангъаны гъакъда билдирмек ва машин гъайдавчуланы машин гъайдавда ёл юрюшно къайдаларын бузмай, сакълыкъны болдурма, ёлларда бек тергевлю болма-



Бютюндюнья гюнине багъышлангъан акцияда ортакъчылыкъ этди. Олар ГАИ постну къырындагъы федерал трассада тематика флешмоб къуруп оьтгерди.

Оланы аслу мурады - ГИБДД-ни къуллукъчулары булан бирликде ёл юрюшно ортакъчыларын ёл юрюше болгъан хатабалагъаны натижасын-

гъа герегин англатмакъ эди.

Ёл юрюшно къайдаларына багъышлангъан флешмоб охувчуланы бек иштагъын гёттерди. Олар ёл белгилер булангъы уллу плакатланы тутуп юрюдо. Флешмобну къурувчусу С.Османова ёл юрюше аманлыкъны болдуруп, сакълыкъ охувчулар учун бек пайдалы экенни эсгерди.

➤ Районлуланы тергевлюне

Саякъ гъайванланы гийирмек учун...

Кёпден берли Къарабудагъ-гентни жамиятына айтылып, буварылып тура буса да, юртну орамларында саякъ къалып, оьзбашына айланагъан гъайванлар бугюнде де ёлугъа. Шо гъайванлар орамларда ер-ерге салынгъан нас-алагъожаны салмакъ учунгъу контейнерлени айланасы бегилгенине де къарамайлы, ичиндеги нас-алагъожа булангъы пакетлени бузуп ва оьзге тюрлю насланы контейнерлени айланасына яйып юрюйлер. Шо буса орамларыбызны гёзеллигин буза, наслай. Шону алдын алмакъ муратда, юртну

ягъасындагъы «Къызташлар» деген участкада саякъ гъайванланы гъайдап гийирмек учун узакъ къоймай «Гюрен» этмеге гёз алгъа тутулгъан. Орамлардагъы нас-алагъожаны салмакъ учун, салынгъан контейнерлени айланасын буса гъайванлар етишип болмас йимик бегетив ишлер юрюлме башлангъан.

Юртну ватандашларына, жамиятына бирдагъы да билдиребиз, гъайванларыгъызын орамлагъа саякъ йибермегиз! Ёгъесе, узакъ къалмай гъайванларыгъыгъа шо «гюренге» гирме имканлыкъ бар.

Образование

Центры «Точка Роста»

С 24 сентября 2019 года на базе 9 общеобразовательных школ района: Гимназия, Гелинская СОШ, Губденская СОШ, Гурбукинская СОШ №1, Карабудахкентская СОШ №2, Какашуринская СОШ №2, Манаскентская СОШ, Параульская СОШ №2, Уллубийаульская СОШ – начали работать Центры образования гуманитарного и цифрового профилей «Точка роста».

Центры образования цифрового



и гуманитарного профилей «Точка роста» созданы как структурные подразделения общеобразовательных организаций, осуществляющих образовательную деятельность по основным общеобразовательным программам и направлены на формирование современных компетенций и навыков у обучающихся, в том числе по предметным областям «Технология», «Математика и информатика», «Физическая культура и основы безопасности жизнедеятельности».

Этот проект направлен на то, чтобы развивать у детей определенные навыки и компетенции: цифровые, технологические и гуманитарные. Чтобы

этого достичь, для школьных предметов «Технология», «Информатика» и «Основы безопасной жизнедеятельности» были разработаны новые, более современные образовательные программы. Также введено дополнительное (внеурочное) образование, где дети могут заниматься медиатворчеством, проектной деятельностью или шахматами, работать с новыми технологиями: заниматься прототипированием, 3D-моделированием, осваивать работу с квадрокоптерами, шлемами виртуальной реальности.

В центр «Точка роста» входят 2 кабинета. У всех центров одинаковое оформление. Это утверждено на федеральном уровне. Единый брендинг, логотипы, сочетание серого, белого, черного и красного цветов – вот главные требования при оформлении кабинетов и проектных зон.

Назначены руководители центров и педагоги, которые будут задействованы в «Точках роста». Руководители центров прошли курсы повышения в Москве, участвовали во всероссийском форуме. Все педагоги прошли обучение, получили соответствующие сертификаты.

С 1 октября во всех центрах сформированы группы по 4 направлениям (технология, информатика, ОБЖ, шахматы) с учетом интересов учащихся 5-8 классов и ведутся занятия по утвержденному расписанию.

А.Каирбеков, зам.начальника Управления образования

Международный день инвалида

Мероприятие для детей

В Реабилитационном центре для детей и подростков с ограниченными возможностями в МО «Карабудахкентский район» провели мероприятие, посвященное ко Дню инвалидов.

В числе почетных гостей на празднике присутствовали: директор Центра социальной защиты населения

непокорной судьбой! Я преклоняюсь перед вашей силой волей и смелостью и хочу пожелать вам побольше улыбаться, не поддаваться на провокации, наслаждаться каждым мгновением и просто быть счастливым! Поздравляю!» - сказал он.

Всем детям и их мамам были посвящены трогательные и душевные



Шихай Биярсланов, директор компании ООО «Гам» Гаджиева Гульжаминат Гаджиалиевна, солисты РЦТК Аскендер Ибрагимов и Абдулазим Наибханов, певица кумыкской эстрады Ругубият Абдулхаликова.

Мероприятие открыл директор Центра А.Ибрагимов. «Сегодняшний праздник – это день самых сильных и чистых душой людей, ведь они каждый день ведут борьбу со своим недугом, общественным мнением и

песни, вручены подарки, а также был замечательный танец от аниматоров с детского сада «Сладкое детство».

В завершение мероприятия был организован сладкий стол и все гости пили чай. Руководство реабилитационного центра выражает благодарность спонсорам: заведующей детского сада «Лучик», оформителю «Shar_manaskent», евровыпечке «Delice», компании ООО «ГАМ», а также солистам.

Прокуратура района

О транспортной безопасности



Внесены изменения в статью 12 Федерального закона от 09 февраля 2007 года № 16-ФЗ «О транспортной безопасности», согласно которым работникам подразделений транспортной безопасности запрещается применять электрошоковые устройства и искровые разрядники в отношении женщин с видимыми признаками беременности, лиц с явными признаками инвалидности и малолетних, за исключением случаев, если указанные лица оказывают вооруженное сопротивление работникам подразделений транспортной безопасности, совершающим нападение, угрожающее

жизни и здоровью работников подразделений транспортной безопасности либо лиц, находящихся на объектах транспортной инфраструктуры и транспортных средствах.

Руководители (заместители руководителей) подразделений транспортной безопасности обязаны незамедлительно уведомить орган внутренних дел и прокурора о каждом случае ранения или смерти в результате применения электрошоковых устройств и искровых разрядников.

А.З. Магомедрасулов, помощник прокурора района

Обязательное социальное страхование

Внесены изменения в Федеральный закон от 24 июля 1998 года № 125-ФЗ «Об обязательном социальном страховании от несчастных случаев на производстве и профессиональных заболеваний», согласно которым право на получение единовременной страховой выплаты в случае смерти застрахованного в результате страхового случая имеют: дети умершего, не достигшие 18 лет и обучающиеся по очной форме обучения, до окончания, но не дольше чем достижения ими возраста 23 лет; родители, супруг (супруга) умершего; нетрудоспособные лица, состоявшие на иждивении умершего

или имевшие ко дню его смерти право на получение от него содержания; другой член семьи умершего независимо от его трудоспособности, который не работает и занят уходом за состоявшими на иждивении умершего его детьми, внуками, братьями и сестрами, не достигшими возраста 14 лет либо достигшими указанного возраста, но по заключению федерального учреждения медико-социальной экспертизы или медицинской организации признанными нуждающимися по состоянию здоровья в постороннем уходе.

Д.Ш. Семедов, помощник прокурора района

Об образовании в Российской Федерации

Внесены изменения в пункт 2 статьи 54 Семейного кодекса Российской Федерации, согласно которым проживающие в одной семье и имеющие общее место жительства дети имеют право преимущественного приема на обучение по основным общеобразовательным програм-

мам дошкольного образования и начального общего образования в государственные и муниципальные образовательные организации, в которых обучаются их братья и (или) сестры.

З.А. Аджиева, помощник прокурора района

Подписка – 2020

Уважаемые читатели районной газеты «Районну яшаву» («Будни района»), началась подписка на 2020 год. Пожалуйста, спешите сделать подписку на нашу газету. На страницах своей газеты мы расскажем вам обо всех событиях, которые происходят в нашем районе. Мы охватим все стороны жизни населения: экономику, культуру, спорт, образование, здравоохранение и т.д.. И хотим, уважаемые читатели, чтобы вы всегда были с нами, поддержали нас и участвовали в создании нашей газеты. А ваше участие возможно, если вы своевременно сделаете подписку на нашу газету. Наша газета – она и ваша газета, так как мы пишем о достижениях и недостатках нашего района. Поэтому мы просим вас своевременно подписаться на районную газету «Будни района».

Стоимость подписки:

Через редакцию:	Через почту:
на год – 500 руб.	на год – 681 руб. 84 коп.
на 6 месяцев – 250 руб.	на 6 месяцев – 340 руб. 92 коп.
Наши индексы:	
на год – 63300	на 6 месяцев - 51362

Объявление

Установление границ

В Карабудахкентском районе в местности «Саси-булак» 15.01.2020 года в 12ч.00 мин. проводится установление границ земельных участков под кадастровыми номерами: **05:09:000019:320, 05:09:000019:321, 05:09:000019:745.** Просим явиться всех заинтересованных лиц. **Телефон для контакта: 8928-556-34-56.**

Соболезнование

После тяжелой и продолжительной болезни 3 декабря 2019 года в селе Гурбуки ушел из жизни Каранаев Каримулла Сапиюлаевич.

После успешного окончания в 1974 году факультета электрификации Горского с/х института, он 37 лет проработал в Карабудахкентских районных электросетях, из них более 20 лет был руководителем. Персонал КРЭС в эти годы неоднократно занимал ведущие места в АО «Даг-энерго» в профессиональных конкурсах на звание лучших по профессии. Он много вложил знаний и умений в улучшение электроснабжения района. Вырастил с супругой и определил в жизни 4х детей – достойных граждан. В связи с невозможной утратой, выражаем искренние соболезнования семье и родным усопшего. Память о настоящем друге навсегда останется в нашей памяти. Да упокоит Всевышний душу усопшего!

Группа однокурсников!

➤ Спорт

Ушистлерибизни кўутлай

Ноябр айны 8-10-нда Донда-Ростов шағарда адатланган ушудан дюнъяны чемпионаты

Ағачавулдан Сағадулла ва Руслан Узайыровлар биринчи ерлени алғаны гякьда газетибизни алдагы номерлерини бирисинде язып билдирген эдик.



Шону гёз алгъа тутуп, Ағачавул орташколаны муаллимлери оьзлени школасында билим алып чыкьган охувчулары Сағадулла ва Руслан Узайыровланы спортда етишген уллу уьстюнлюкleri булан кўутлайлар. Олагъа гележекде дагы да оьр канзилеге

оьтгерилгени гякьда ва шо чемпионатда бизин районну ушистлери: Паравулдан - Юсуп Мугьутдинов,

гётерилип, анадаш районну спорт хазнасына этежек кьошумун дагыдан-дагы артдырмакьны ёрайлар.

3-нчю ерни алгъан

30-нчу ноябрде Магъачкъалада эсли спортчуланы арасында спортну самбо кьайдасындан Дагыстанны чемпионаты оьтгерилген. Шо чемпионатда ортакьчылык этген бизин белгили кочабыыз ва яш спортчуланы тренери Нариман Гьамитов + 100 кило авурлукьдагы кочаплар булан гюч сынагъан ва 3-нчю ерни алгъан.



Нариман Гьамитовну гезикли уьстюнлюгю булан кўутлай туруп, оғар гележекде дагы да уллу оьрлюклеге етишмекни ёрайбыз.

Алдынлыкьны кьазангъан

Ноябр айны 10-ндан 14-юне ерли Москвада эсли спортчуланы арасында ушу-саньдадан Россияны кубогу учунгъу ярышлары юрюлген. Шо ярышларда бизин ДЮСШ-де тарбияланып ябушувланы кьаидаларына уьйренип юрюген белгили ушистлерибиз Ислам Магъамматов ва Абдулгьалим Нуригьалимов ёлдашлар да ортакьчылыкь этгенлер. 80 кило авурлукьда ябушгъан Абдулгьалим Нуригьалимов шо ярышларда – 2-нчи, 75 кило авурлукьда ябушгъан Ислам Магъамматов буса 3-нчю ерлеге ес болуп гелгенлер.



Район ярыш оьтгерилди

Районну юртларындагы яш-ёрюмлени спортгъа бакьган якьдагы муштарлылыкьын артдырмакь учун районну спорткомитетини ва ерлердеги ДЮСШ-лени ёлбашчыларыны янындан этилеген гьаракат йылдан-йылгъа яхшы натижалар

гьюнерлерин гёрсетдилер. Шо гюнлер онда 12 тюрлю авурлукь категориядагы кочаплар бир-бири булан гюч сынадылар. Ярышланы ахырында белгили болгъаны йимик, шо ярышларда ортакьчылыкь этген яш кочапланы арасындан 12-



гёрсете. Айтагъаным, райондагы спорт идаралагъа кьуршалгъан яшёрюмлени санаву йылдан-йылгъа арта. Муна алдагы гюнлерде, ноябр айны 23-24-нде, Манасгент юртну ДЮСШ-синде тутушуп ябушувдан оьтгерилген район ярышларында районну юртларындан гелип жыйылгъан 200-ден де артыкь яш кочаплар оьзлени ябушувдагы

си – 1-нчи, 12-си – 2-нчи, 24-ю буса 3-нчю ерлени кьазандылар. Алдынлы ерлени кьазангъан яш кочапларыбыз барысы да кьазангъан ерлерине гёре кубоклар, медаллар, грамоталар булан савгьатландылар. Шо гюнгю район ярышлары кёп кьаравчуланы ортакьчылыкьы булан дослукьну ва кьурдашлыкьны шартларында оьтдю.

Жая булан атышывдан ярыш

Спортну жая булан атышыв кьайдасы арт вакьтилерде бизин Кьарабудагьгент районда аякьгъа туруп гюч ала бара. Айтагъаным, спортну шо кьайдасындан бизде чакьда-чакьда ярышлар оьтгериле. Шо ярышларда ортакьчылыкь этме суюп гелеген яшёрюмлени санаву да айдан-айгъа артып юрюй.

–нчи, Мугьаммат Гьажиев 3-нчю ерлени алдылар. **17 йылгъа ерли оьмюрдегилени арасындан:** Магъаммат Ниьматуллаев – 1-нчи, Умар Гьажиев – 2-нчи, Аселдер Багьандов 3-нчю ерлеге ес болдулар. **Уллуланы арасындан:** Рашит Зайнутдинов – 1-нчи, Валиюлла Ниьматуллаев – 2-нчи, Салавутдин Абушев 3-нчю ерлени кьазандылар.



Муна алдагы гюнлерде Кьарабудагьгентдеги «Бекенез» спорт майданчада жая булан атышывдан гезикли район ярыш оьтгерилди. Шо ярышда ортакьчылыкь этмек учун 13 йылдан 17 йылгъа ерли ва дагы да уллу оьмюрдегилер, спортну шо журасыны усталары, гьасили, 80-ден де артыкь окь-жая ативчулар жыйылгъан эдилер.

Окь жая ативну усталарындан: Адилбий Кьурбанов – 1-нчи, Болат Гьажиев – 2-нчи, Бийсолтан Жанбеков 3-нчю ерлени алма бажардылар.

Олар йылларына гёре айры-айры группалагъа бёлюнуп, жая атив булан машгьул болдулар. Ярышны гьасиллерине гёре, **13 йыллыкь спортчуланы арасындан:** Осман Гьажиев – 1-нчи, Гебек Гебеков – 2-

Заманны да гьисапгъа алып тюз атышывчуланы арасындан: Казим Балашев – 1-нчи, Жамал Гьасанбеков – 2-нчи, Бийсолтан Жанбеков 3-нчю ерлеге ес болду.

Оьтгерилген ярышны бары да алдынлылары эсгерилген спортдан тренер, юрюлген ярышны сиптечиси Болат Гьажиевни ва «Мир ОКОН» деген компанияны ёлбашчыларыны янындан кубоклар, медаллар, грамоталар ва акьча савгьатлар булан савгьатландылар.

Кьошулчан ябушувланы алдынлылары

Ноябр айны 9-10-нда Каспийск шағарда белгили кочап Мусаил Алавутиновну эсделигине кьошулчан

алдында ябушувланы кьаидаларына уьйренеген уьюрлери де ортакьчылыкь этгенлер. Шоланы арасындан 44 кило



ябушувлардан (GORETS) республика ярышлары оьтгерилген. Юрюлген шо ярышларда Кьарабудагьгент ДЮСШ-ни тренери Мухтар Салаватовну

авурлукьда ябушгъан Казбек Лабазанов – 1-нчи, 57 кило авурлукьда ябушгъан Хасболат Ахавов буса 3-нчю ерлени кьазанып кьайтгъанлар.

Дюнъяны кубогу учунгъу ярышларда

15-16-нчы ноябрде Кисловодск шағарда спортну FCF MMA кьайдасындан яшёрюмлени арасында дюнъяны кубогу учун юрюлген ярышларда бизин ДЮСШ-ни уьюрлери де ортакьчылыкь этгенлер. Оланы арасындан 34 кило авурлукьда ябушгъан Алибек Кьагьруманов – 1-нчи, 38 кило авурлукьда ябушгъан Расул Алиев буса 2-нчи ерлеге ес болгъанлар. Олар тренерлер Нариман Гьамитовну ва Жанболат Салигьовну алдында ябушувлагъа уьйренелер.



Бу бетни Абдуллабек САМАДОВ онгаргъан

“Яшланы бокъчасы” Уьлгюлю охувчу

Н. ИЗАМУТДИНОВА

Къарабудагъгент гимназияда охувчуланы бириси. Ол оьзюню бек гъаракатчы, пагъмулу, низамлы охувчу къыз гысапда танытгъан.



Сурагъда: (солда) Ф.Расулова

Ф.Расулова – намуслу, тюзлюкню сюеген, билимлеге талпынагъан, айланадагъылар булан дос аралыкълар тутуп билеген, демек, оьзгелеге уьлгю гёрсетеген къыз. Ол школадагъы бары да предметлени бир йимик сюе ва биле, бары да якъдан бажарывлу къыз.

Фатима школа ва район, республика оьлчевде оьтгерилеген бары да предмет олимпиадаларда дегенлей, гъакъыл конкурсларда ортакъчы-

лыкъ эте, демек школаны яшавуна актив кюйде къуршала.

Бу охув йыл Ф.Расулова «Книга жизни» деген хабар тизив Республика конкурсну район бёлгюнде 1-нчи ерни алгъан (ёлбашчысы Р.Мусаева). «Айлана якъны

ахтарыв») деген район конкурса да ол 1-нчи ерге ес болгъан (ёлбашчысы З.Бийболотова). Биологиядан оьтгерилген район олимпиадада 2-нчи ерни (муаллими З.Бийболотова), орус адабиятдан 3-нчю ерни (муаллими Р.Умалотова) алгъан.

Фатимагъа биз гележекде дагъы да уллу уьстюнлюкlege етишмекни, оьзге охувчулагъа буса булай къызлардан уьлгю алмакъны ёрайбыз!

Форумда ортакъчылыкъ этген

Биярслан Гъамитов – гъаракатчы ва загъматны сюеген охувчу. Ол оьр даражада билимли, школаны жамият ишлеринде актив кюйде ортакъчылыкъ эте, класда ва иш



уьстюнде оьзюню ишин юрютювде башгъа охувчуланы арасында айрыча белгили.

Билим якъдан охувчуланы арасында ол гимназияны лидери болуп сайлангъан. Биярслан школа

ва район олимпиадаларда, олай да гъар тюрлю конкурсларда актив кюйде ортакъчылыкъын болдура. Бу йыл ол биология дарсдан (муаллими З.Бийболотова) район олимпиадада 1-нчи ерге ес болгъан. Олай да, «Шаг в будущее» деген республика конкурсну район этабында 3-нчю ерни къазангъан (ёлбашчысы У.Шагъманаева).

Къарабудагъгент районну жагъил сайлавчуларыны Клубуну президенти Къарабудагъгент гимназияны охувчусу Биярслан Гъамитов Дагъыстанны шагъарларыны ва районларыны жагъил сайлавчуларыны клубларыны президентлерини Республика форумунда ортакъчылыкъ этген. Шо форум «Россия – моя история» деген тарих паркда ДР-ни Сайлав комиссиясыны сиптечилиги булан ноябр айны 26-нда оьтгерилген.

Биз Биярслангъа гележекде дагъы да уллу уьстюнлюклер ёрайбыз. Башгъа охувчуланы да ондан уьлгю алма чакъырабыз!

➤ Ананы гюнюне

Гъасиллери белгили болду

Н. ИЗАМУТДИНОВА

Ноябр айны 21-нде Къарабудагъгент районну китапханаларында «Символы России. Спортивные достижения.» деген Бютюнроссия олимпиаданы муниципал этабы оьтгерилди. Шонда эки оьмюр категорияда китапханаланы 100-ге ювукъ охувчулары ортакъчылыкъ этди.

Ону сиптечилиси болгъан районну халкъларыны китапхана кьуллукъларын кютеген Центр районну 3 майданчасында бирче (Къарабудагъгент гимназия, Къарабудагъгент 3 номерли школа, Зеленоморск юрт китапхана) олимпиада оьтгерди.

Гъар майданчада эки тюрлю оьмюр категорияда группалагъа бёлюнюп оьтгерилди. Гъар охувчу оьмюр чагъына гере олимпиада тапшурувланы алып, олагъа жаваплар берди. Кёп баллар алгъан жаваплар «РДБ им. Н.Юсупова» ГБУ-гъа йиберилди.

Шолайлыкъда, «Символы России. Спортивные достижения.» деген Бютюнроссия проектни сертификатларыны 8-10 йыллыкъ оьмюр чагъындагъылары арасында Баш китапхананы охувчусу Маликат Мамаева (КСОШ № 3), 11-14 йыллыкъланы арасында – Жамал Сунгуров (Къарабудагъгент гимназия) алдылар.

Олай да, охувчулар: Байтуллагъ Вагъапов, Арсланбек Канзитдинов, Написат Валиева (Къарабудагъгент гимназия); Жамиля Жамалутдинова, Фатима Ильясова, Имран Къаранав, Загъидат Гъажимурадова (КСОШ №3); Жамиля Къурбанова, Сайида Ибрагъимова (Зеленоморск юрт китапхана) олимпиаданы призёрларыны дипломларына ес болду.



«РДБ им. Н.Юсупова» ГБУ-ну янындан олимпиаданы муниципал этабын оьтгеривде ортакъчылыкъ этгени саялы «РЦ БОН» МКУ-ну методисти Субайбат Гъажиевагъа, баш китапхананы кьуллукъчулары Динаханым Ильясовагъа, Азинат Пашаевагъа, Зеленоморск юрт китапхананы ёлбашчысы Райзанат Исмайыловагъа баракалла билдирилди.

Асил юзю, алтын сёзю

Ноябр айны ахырынчы къатты-гюнюнде Россияда Ананы гюню белгилене. Аналагъа багъышлап Гъели юрт маданият къалада гъар йыл уллу шатлыкълар оьтгериле. Бу йыл да маданият къаланы ёлбашчылары Кюсюм Халилованы, Нурияханым Шамилованы, ЗОЖ клубну ёлбашчысы Патимат Агъаеваны, юрт администрацияны ёлбашчыларыны сиптечилиги булан аналагъа багъышлангъан чара оьтгерилди. Чарада Гъели мактапны муаллимлери, 7-10-нчу класланы охувчулары, Гъели мактапны китапханасыны ёлбашчысы Л. Абдусаламова, башлапгъы класланы муаллими У. Бийболотова, Гъели мактапны тарбиялав завучу Р. Ягъияева, чакъырылып гелген кёп аналар ортакъчылыкъ этди. Жыйынны ачгъан К. Халилова бары да гелген аналаны байрам булан кьутлады, олагъа савлукъ, насип, парахат яшав ёрады. Сёз берилген юрт администрацияны башчысы М. Догеев аналаны атына атив сёзлер айтды. Сонг 7-нчи «а» класны ёлбашчысы Б. Даниялова да аналаны байрамы булан кьутлады, олагъа савлукъ, насип ёрады. Охувчу къызлар: Д. Абдусаламова, А. Абдусаламова, А. Жанибекова, П. Шейхова, Г. Къадырова, С. Къойчуева аналаны гъакъында сагъналадшырыв гёрсетди. Сонг врач А. Магъамматовагъа сёз берилди. Ол яшланы тарбиясы гъакъда атив хабарлады. 11 йыл ЗОЖ клубну юрютюп турагъан П. Агъаева бары да аналаны кьутлады, олагъа савлукъ ёрады. Сонг Гъели мактап-

ны муаллими У. Бийболотова гъалиги тарбияладан оьзлени яш заманындагъы тарбиялав адилли болгъаны гъакъда мисаллар гелтире туруп хабарлады. Сонг Н. Зубайылов аналагъа багъышлап йыр йырлады. 8-нчи «б» класыны охувчу къызы А.Жачаев язгъан «Ана юрек» деген, охувчу къыз С. Алигъажиева «Анама» шиърулары гёнгюнден охуу. Сонг Гъели мактапда кёп йыллар лаборант болуп ишлеген Р. Атавулова бары да аналаны кьутлап, яшлагъа пайдалы насипатлар этди. Сонг юрт администрацияда ишлейген П. Абдусаламовагъа сёз берилди. Ол оьзюню анасы оьзлеге текген кыйыны гъакъда хабарлады. Жыйынгъа чакъырылгъан аналар Б. Магъамматовагъа ва А. Магъамматовагъа, администрацияда кёп йыллар бухгалтер болуп ишлеген Х. Хизриевагъа, З. Жаватовагъа, К. Абдусаламовагъа сёз берилди. Олар барысы да аналагъа савлукъ, оьмюр ёрады. Гъели мактапны завучу, 10-нчу класны ёлбашчысы Р. Ягъияева аналаны байрамын кьутлады, дюньдагъы аналагъа кёп яхшылыкълар ёрады. Сонг охувчу къызлар А. Жаватова, Р. Гъажикъасумова, А. Акаева, Ж. Мугъажирова, А. Арсланбекова, Р. Латипова шаир Узлипат Ибрагъимованы «Кёрюкде» деген поэмасыны гесегин сагъналадшырып гёрсетди. Чараны ахырында Л. Абдусаламова аналаны байрам гюнюн кьутлап, аналагъа багъышлап язгъан шиърусун охуу.

Чара чай ичив булан узатылды.

Газета основана 1951г.
Учредители:
1. Администрация МР
“Карабудахкентский район”.
с. Карабудахкент,
ул. Советская, 2
2. Собрание депутатов МР
“Карабудахкентский район”.
с. Карабудахкент, ул. Советская, 2

Главный редактор
А. Г. Гаджиев
Ответственный секретарь
Нурсагадат Изамутдинова
Тел./факс редакции:
(87232)-2-22-27,
+7 928-557-69-00
Издатель:
МУП редакция районной
газеты “Районну яшаву”
 (“Будни района”)

Газета зарегистрирована
8 мая 2013 г. Управлением
Федеральной службы по надзору в
сфере связи, информационных техно-
логий и массовых коммуникаций по РД
и выдано свидетельство о регистрации
СМИ ПИ № ТУ 5 - 00252.

Адрес редакции и издателя:
РД, Карабудахкентский район,
с. Карабудахкент, ул. Гамзатова, 22

Индексы:
6 мес. – 51362, 1 год – 63300
Точка зрения редакции не обязательно
совпадает с мнением авторов.
Рукописи не рецензируются и
не возвращаются.
E-mail: budnirayona@mail.ru
Наш сайт –
www.budnirayona.ru
Тираж 2500 экз.

Материалы не рецензируются
и автору не возвращаются.
За достоверность информации
ответственность несут авторы
публикуемых материалов.
Газета напечатана в типографии
“ИД “Дагестан”.
Адрес: г. Махачкала,
пр. Насрутдинова, 61
Время подписания в печать – 16 ч. 00 м.
Подписано – 16 ч. 05 м.